

Fiscal ta señala den Corte

Psikiatra ta constata cu R. Danies no ta bon di cabez

ORANJESTAD (AAN): Diabierna mainta tratamiento di un serie di caso-nan penal contra R. Danies a tuma lugar. Tratamiento di e caso a bay via video conference. Den e articulo aki, DIARIO ta concentra riba e punto bista di Fiscal riba tur e acusacionnan contra Danies (D.). Loke a capta atencion ta ora cu Fiscal a bisa cu segun e raport di psikiatra, D. lo ta sufri di problemanan mental y cu D. ta menos responsabel pa loke el a haci.

SOSPECHOSO NO A GUSTA

Fiscal a puntra D. riba esaki y D. a bisa cu ta nan cabez no ta bon. D. a bisa cu e psikiatra mester a bis'e den su cara esey y no skirbi coy kens. El a bisa cu psikiatra su cabez no ta bon.

FISCAL

Fiscal a bisa Hues cu a keda legalmente proba cu D. a spuit lugarnan na 2015. Tambe e ta haya proba e menaza di un agente di Polis. Fiscal a sigui bisa cu dia 27 Juli 2020, D. a resisti contra su detencion. Fiscal ta haya tambe cu D. a ofende e agente Polis femenino ora a bis'e cosnan for di sla e mesun 27 Juli 2020. Fiscal a bisa Hues cu e dia ey D. no tabatin permiso pa pone span-



doek dilanti Kabinete di Gobernador. Fiscal ta haya tambe cu D. a viola toque de queda 7 biaha. El a bisa cu cuater biaha a haci oferta di transaccion di mil florin pero D. a nenga. Fiscal a bisa cu pa cu cada un ta 20 dia di prison.

Fiscal a bisa Hues cu e ta haya proba cu B. a lanta comunidad durante su manifestacion y tambe a bisa cu lo bay tin candela y destruccion. Algo despues, glasnan di Parlamento a wordo kibra. E hendenan cu a haci'e, a bisa Polis cu nan ta apoya D. E hendenan tabata lanta otronan pa haci destruccion. Despues tabatin candela den un edificio cerca di Parlamento. Fiscal ta haya cu ta D. a lanta hendenan pa haci esakinan. El a mostra cu D. den un entrevista a bisa cu un djis lo bay tin un otro candela y

cu el a adverti di esaki.

Fiscal ta haya cu e caso-nan di menaza di e mama y omo no ta suficiente investigta. El a bisa cu e ta haya legalmente proba e caso di December 2019 pero esun di September 2020 no.

DANIES NO TA BON DI CABEZ

Fiscal a bisa Hues cu D. tin un tendencia di menaza hende ora e no ta haya su kier. Fiscal a bisa cu D. tin problema mental y D. no ta realisa esey. E ta conclui esaki for di e raport di psikiatra cu ta bisa cu D. no ta completo responsabel pa su actonan. Fiscal a sigui bisa cu e asunto di herencia, e wela lo a priminti diferente hende e cas y e no ta mira cu D. lo logra haya e caso pasobra D. no tin ningun documento cu ta

prueba cu e cas ta di dje.

Pa loke ta e expresion di D. cu el a papia cu PG kende a bis'e kico pa haci, Fiscal a bisa Hues cu ta imposibel cu un PG lo a bisa un hende pa no atene su mes na ley. E trabao di PG ta pa mantene orden publico den un comunidad.

Fiscal ta kere cu D. lo a interpreta cosnan cu no ta asina. Na opinion di Fiscal, D. ta kere realmente cu PG a bis'e pa haci problema. E ta kere cu D. no ta realisa cu e tin problema mental. Fiscal ta haya cu D. ta manipula hende y pa añanan largo e ta usa marihuana. D. ta kere cu e ta combati pedofil pero no ta asina.

EXIGENCIA FISCAL

Fiscal a bisa Hues cu e ta haya ta bon pa den media bisa cu D. ta sufri di prob-

lema mental. Fiscal ta kere, mirando raport di psikiatra cu ta bisa cu D. no ta completo responsabel pa loke el a haci, cu D. a sinta suficiente castigo.

Fiscal a exige pa e caso-nan di violacion di toque de queda, 98 dia pero condicional cu un tempo di prueba di 3 aña y bou guia di Reclustering. Fiscal a exige pa prohibi D. pa bay den cercania di e cas den Venezuelastraat caminda su mama ta biba. Tambe Fiscal a bisa cu D. lo mester haya tratamiento durante e tempo di prueba di Respaldo. El a exige 270 dia di prison, kitando e tempo cu D. ta sera den KIA. Por a nota cu ora cu Fiscal tabata papia, D. tabata hari. Hues a sera tratamiento di e caso y 26 Maart 2021 lo tin sentencia.